

	<b>ՊԱՅՄԱՆԱԳԻՐ</b>	Կոդ:ԱԲ_Ն Պայմանագիր _ V.1.0
		Ամսաթիվ: 09.01.2017
		Էջ 1 ից 2

ք. Երևան

16 դեկտեմբերի 2021թ.

Առողջապահության նախարարությունը, այսուհետ՝ «Պատվիրատու», ի դեմս գլխավոր քարտուղար Վարդանուշ Գրիգորյանի, ով գործում է Նախարարության կանոնադրության հիման վրա, մի կողմից, և «Յունիտրանս» ՍՊԸ-ն այսուհետ՝ «Փոխադրող», ի դեմս տնօրեն Ֆ. Զաքարյան, ով գործում է ընկերության կանոնադրության հիման վրա, մյուս կողմից, կնքեցին սույն պայմանագիրը հետևյալի մասին:

### 1. Պայմանագրի առարկան

- 1.1. Սույն պայմանագրով Փոխադրողը պարտավորվում է կազմակերպել Պատվիրատուի կողմից իրեն վստահված բեռը հասցնելը սույն պայմանագրի 1.3. կետում նշված նշանակման վայր և այն հանձնելը Պատվիրատուին, իսկ Պատվիրատուն պարտավորվում է վճարել բեռի փոխադրման կազմակերպման համար սահմանված վարձը համաձայն սույն պայմանագրի 3. կետի:
- 1.2. Անհրաժեշտության դեպքում, պատվիրատուի պահանջով, լրացուցիչ վճարի դիմաց, Փոխադրողը կարող է կազմակերպել բեռի մաքսային ձևակերպումների ծառայություն և բեռնափոխադրում մինչև Պատվիրատուի կողմից նշված հասցե:
- 1.3. Համաձայն սույն պայմանագրի, բեռ է համարվում՝ Սպուտնիկ պատվաստանյութը, այսուհետ՝ «Բեռ»: Բեռի ընդհանուր զանգվածը կազմում է 667.0կգ/4տեղ (օդային բեռնափոխադրում, տերմոարկղով):
- 1.4. Սույն պայմանագրով բեռի բարձման վայր է համարվում ՌԴ Մոսկվա քաղաքը, իսկ բեռնաթափման վայրն է համարվում ՀՀ, Երևան քաղաքը (բենային համալիր):
- 1.5. Սույն պայմանագրի դրույթները իրականացվում են ծառայությունների դիմաց գումարի հավաքագրման սկզբունքով (Collect պայմանով), քանի որ, որպես իրական բեռնափոխադրող հանդես է գալիս ՌԴ ռեզիդենտ ընկերություն, այսուհետ՝ Փոխադրող, որն իրականացնում է ՌԴ-ում բեռի փոխադրման համար անհրաժեշտ գործողությունները, բեռի ապահովագրումը և փոխադրումը նշանակման վայր:

### 2. Կողմերի իրավունքները և պարտականությունները

- 2.1. Փոխադրողը պարտավոր է՝
  - 2.1.1. Պատվիրատուի հայտով՝ բեռնման նպատակով նրան տրամադրել Բեռի փոխադրման համար պիտանի ու սարքին տրանսպորտային միջոցներ, որոնք համապատասխանում են սանիտարական և տեխնիկական նորմերի պահանջներին: Բեռը հասցնել նշանակման վայր և այն հանձնել Ստացողին բարձման օրվանից ոչ ուշ, քան 5 օրվա ընթացքում:
  - 2.2. Պատվիրատուն պարտավոր է՝
    - 2.2.1. մինչև Հանձնման վայր տրանսպորտային միջոցների հասնելը Բեռը նախապատրաստել փոխադրման, իրականացնել ապահով փաթեթավորում կամ արկղավորում: Պատվիրատուն պարտավոր է փոխհատուցել երրորդ անձանց կողմից (ծովային գիծ, օդային, ցամաքային փոխադրողներ, տարանցիկ մաքսակետ և այլ), դուրս գրված ծախսային հաշիվները (պահեստավորման, պարապուրդի, և այլն), եթե նման խնդիր առաջացել է:
    - 2.2.2. մինչև Բեռը բեռնելն ստուգել Բեռի փոխադրման համար տրանսպորտային միջոցների պիտանիությունը:
  - 2.3. Պատվիրատուն իրավունք ունի հրաժարվել համապատասխան բեռի փոխադրման համար ոչ պիտանի տրանսպորտային միջոցներից:
  - 2.4. Պատվիրատուն պարտավոր է ապահովագրել Բեռը :
  - 2.5. Փոխադրումների առանձնահատկություններից ելնելով Բեռի բարձումը և դասավորումը իրականացնել փոխադրողի պահանջներին համապատասխան:

### 3. Պայմանագրի գինը և հաշվարկների կարգը

- 3.1. Փոխադրման գինը կազմում է 5183200 (հինգ միլիոն մեկ հարյուր ութսուներեք հազար երկու հարյուր) ՀՀ դրամ:
- 3.2. Պատվիրատուի կողմից պայմանագրի գումարը վճարվում է Փոխադրողի հաշվարկային հաշվին դրամական միջոցներ փոխանցելու միջոցով բեռը նշանակման վայր հասնելու օրվանից հետո 2 աշխատանքային օրվա ընթացքում:

### 4. Կողմերի պատասխանատվությունը

- 4.1. Փոխադրողը, ընդունված հայտին համապատասխան, բեռի փոխադրման համար տրանսպորտային միջոցները չտրամադրելու, իսկ Պատվիրատուն՝ բեռը չներկայացնելու կամ տրամադրված տրանսպորտային միջոցներն այլ պատճառներով չօգտագործելու համար կրում են օրենքով և սույն պայմանագրով սահմանված պատասխանատվություն:
- 4.2. Բեռ փոխադրողը և Պատվիրատուն ազատվում են տրանսպորտային միջոցները չտրամադրելու կամ տրամադրված տրանսպորտային միջոցները չօգտագործելու համար պատասխանատվությունից, եթե դա տեղի է ունեցել՝
  - 4.2.1. անհաղթահարելի ուժի, ինչպես նաև տարերային բնույթի այլ երևույթների (հրդեհների, ջրհեղեղների և այլն) և ռազմական գործողությունների հետևանքով:

4.2.2. որոշակի ուղղություններով բեռների փոխադրումներն օրենքով սահմանված կարգով ժամանակավորապես դադարեցնելու կամ սահմանափակելու հետևանքով:

4.2.3. օրենքով սահմանված այլ դեպքերում:

4.3. Փոխադրողը պատասխանատվություն է կրում բեռի կորստի, պակասորդի, վնասվածքի համար, որը տեղի է ունեցել այն փոխադրման համար ընդունելուց հետո, մինչև Բեռն Ստացողին հանձնելը, եթե իրականացվել է 2.4 կետի պահանջը, եթե վնասվածքը, կորուստը, կամ պակասորդը չեն ծագել այնպիսի պատճառներից, որոնց համար պատասխանատու է Փոխադրողը, ապա Փոխադրողը պարտավորվում է նպաստել և աջակցել կորած, պակասած և կամ վնասված բեռի համար երրորդ անձանց կողմից ապահովագրական հատուցումները ստանալու հարցում:

4.3.1. բեռի փոխադրման ժամանակ պատճառված վնասը Փոխադրողը հատուցում է՝

4.3.2. բեռի կորստի կամ պակասորդի դեպքում կորած կամ պակասած բեռի արժեքի չափով:

4.3.3. բեռի վնասվածքի դեպքում այն գումարի չափով, որով նվազել է դրա արժեքը, իսկ վնասված բեռի վերանորոգման անհնարինության դեպքում՝ դրա արժեքի չափով:

4.3.4. արժեքի հայտարարմամբ փոխադրման հանձնված բեռի կորստի դեպքում դրա հայտարարված արժեքի չափով:

4.3.5. բեռի կորստի, պակասորդի և վնասվածքի հետևանքով առաջացած վնասի հատուցման հետ մեկտեղ Փոխադրողն Պատվիրատուին վերադարձնում է փոխադրվածը, որը գանձվել էր կորած, պակասած կամ վնասված բեռի փոխադրման համար:

4.4. Բեռի պահպանված չլինելու պատճառների մասին Փոխադրողի կազմած միակողմանի փաստաթղթերը (առևտրային ակտ, ընդհանուր ձևի ակտ և այլն) վեճի դեպքում դատարանի կողմից ենթակա են գնահատման այդ հանգամանքները վկայող այլ փաստաթղթերի հետ միասին, որոնք կարող են հիմք ծառայել Բեռ փոխադրողի կամ Պատվիրատուի պատասխանատվության համար:

4.5. Փոխադրողը, ընդունված հայտին համապատասխան, բեռի փոխադրման համար տրանսպորտային միջոցները ժամանակին չտրամադրելու, ինչպես նաև Բեռը ժամանակին նշանակման վայր հասցնելու և այն Ստացողին հանձնելու պարտավորության ուշացման համար կետանցի յուրաքանչյուր օրվա համար վճարում է տույժ՝ ՀՀ օրենսդրությամբ սահմանված դրույքաչափերով:

4.6. Պատվիրատուն սույն պայմանագրով սահմանված 3.2 կետի վճարման ժամկետները խախտելու դեպքում պարտավորվում է Փոխադրողին վճարել յուրաքանչյուր ուշացրած օրվա համար տույժ՝ ՀՀ օրենսդրությամբ սահմանված դրույքաչափերով:

4.7. Պայմանագրի, հաշվի և միջազգային ապրանքատրանսպորտային բեռնագրի (ավիաբեռնագրի), վավերացված օրինակը հինգ օրվա ընթացքում Պատվիրատուի կողմից Փոխադրողին չվերադարձնելու դեպքում այն համարվում է ընդունված: Կողմերի միջև վավերացված և էլեկտրոնային հաղորդագրության միջոցով (և կամ ֆաքսիմիլային) ստացված փաստաթղթերն ունեն իրավաբանական ուժ:

## 5. Վեճի լուծման կարգը

Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերի լուծումը հանձնվում է Հայաստանի Հանրապետության համապատասխան դատարանի քննությանը:

## 6. Եզրափակիչ դրույթներ

6.1. Սույն պայմանագիրը կարող է լուծվել կողմերի համաձայնությամբ կամ միակողմանիորեն՝ նրանցից մեկի կողմից սույն պայմանագրի պայմանները խախտելու դեպքում:

6.2. Պայմանագրի միակողմանի լուծումը կատարվում է գրավոր, խախտող կողմին այդ մասին 15 օր առաջ տեղեկացնելու միջոցով:

6.3. Սույն պայմանագրի ցանկացած փոփոխություն և լրացում վավեր է, եթե կատարված է գրավոր, և ստորագրված է կողմերի լիազոր ներկայացուցիչների կողմից: Սույն պայմանագրի հավելվածները պայմանագրի անբաժանելի մասն են:

6.4. Սույն պայմանագիրը կնքված է հայերեն լեզվով, երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

## 7. Կողմերի հասցեները, բանկային վավերապայմանները և ստորագրությունները

«Պատվիրատու»

«Փոխադրող»

**Առողջապահության նախարարություն**

ք. Երևան, Կառավարական տուն 3

Հայաստանի Հանրապետություն

Բանկային ռեկվիզիտներ

ՀՀ ՖՆ աշխատակազմի գործառնական վարչություն

Հ/Հ 900011033769

ՀՎՀՀ 02507171

Ստորագրություն .....

**Վ. Գրիգորյան**

**Գլխավոր քարտուղար**

**ՅՈՒՆԻՏԲԱՆՍ ՄՊԸ**

Երևան, Հանրապետության 22 տարածք 4

Հայաստանի Հանրապետություն

Բանկային ռեկվիզիտներ

Ամերիաբանկ ՓԲԸ

Հ/Հ 1570021886860100

ՀՎՀՀ 01535966

Ստորագրություն .....

**Ֆ. Զաքարյան**

**Տնօրեն**